



Broj: 04-44-1-128/19
Sarajevo, 11.09.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 07:00 sati 10.09.2019. do 07:00 sati 11.09.2019. godine

Kantonalni operativni centar civilne zaštite je dana, 10.09.2019. godine u 08:45 sati primio informaciju, od Federalnog operativnog centra civilne zaštite, da je prilikom izvođenja građevinskih radova na gradilištu „Bingo“-centra, na lokaciji bivše fabrike za proizvodnju žice na Alipašinom Polju, Općina Novi Grad, pronađena avio-bomba zaostala iz Drugog svjetskog rata težine 500 kg. Po saznanju o pronalasku avio-bombe na lice mjesta su izašli pripadnici Kantonalne uprave civilne zaštite Kantona Sarajevo, Općinske službe civilne zaštite Novi Grad i pripadnici Federalne uprave civilne zaštite. Tim za uklanjanje UES-a iz Federalne uprave civilne zaštite je oko 11:30 sati deaktivirao avio-bombu (odnosno uklonili upaljač), te je procijenjeno da nema potrebe za evakuacijom stanovništva. Pripadnici Tima za uklanjanje UES-a iz Federalne uprave civilne zaštite po propisanim procedurama su navedenu avio-bombu u 20:50 sati transportovali na sigurnu lokaciju, a u narednom periodu biti će uništena.

Kantonalna uprava civilne zaštite Kantona Sarajevo: Pripadnici Kantonalne uprave civilne zaštite Kantona Sarajevo (Profesionalne vatrogasne jedinice) ima li su sedam manjih intervencija i to: dvije intervenciju na gašenju zapaljenog smeća u kontejneru, jednu intervenciju na gašenju trave i niskog rastinja, jednu intervenciju na gašenju zapaljenog dimnjaka, jednu tehničku intervenciju na otvaranje vrata u stanu i dva obezbjeđenja pri pronalasku i transportu avio-bombe.



Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

JU Zavod za javno zdravstvo Kantona Sarajevo: U periodu od 26.08.2019. do 01.09.2019. godine ukupno je na području Kantona Sarajevo prijavljeno 64 slučaja zaraznih bolesti obaveznih prijavi od toga: jedan amebiasis, jedan angina streptoc. (streptokokna angina), 32 erysipelas (crveni vjetar), devet herpes zoster (šindre), jedan morbilli (ospice, krzamak), osam nosocomial infections (bolničke infekcije), jedan salmonellosis (salmonela), tri scabies (svrab, šuga) i osam toxiinfectio al. (trovanje hranom).

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila 13°C, vlažnost zraka 88%, barometarski pritisak 946 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- Televizija Kantona Sarajevo
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1